



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA NTLHA (FAL)

PAMPIRI YA BORARO (P3)

NGWANAITSEELE 2024

KAEDI YA GO TSHWAYA

MADUO : 100

Kaedi e ya go tshwaya e na le ditsebe di le 16.

ELA TLHOKO:

- Dirisa ruboriki ka gale fa o tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.
-

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAKANYO (Tsibogelo le dikakanyo) Thulaganyo ya dikakanyo tsa ipaakanyo Temogo ya maitlhommo, baamogedi le bokao	Maemo a a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di botlhale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tlhamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tlhomamang -Dikakanyo tse di sa tlhapang e bile di se na boithlamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlhelele -Dikakanyo tse di tlhakatlhakane le go tlhoka tsepamo -Di gasagane le go boelediwa -Ga e a rulagana e bile ga e a lomagana
30 MADUO	Maemo a a kwa tlase	25–27 -Tsibogelo e e manontlhotlho, mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di botlhale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tlhamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang, mme e latlhegelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	0–3 -Ga go na maiteko a go tsibogela setlhogo -Dikakanyo tse di seng maleba e bile di sa siama gotlhelele -Ipaakanyo e e sa tsepamang e bile e tlhakatlhakane

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (tsweleditswe)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
PUO, SETAELE LE GO TSELEGANYA/ RUNA Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto 15 MADUO	Maemo a a kwa godimo	14–15 -Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tlhaolegile -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Puo e e manontlhotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tlhamilwe ka matsetseleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tlhagisa bokao -Segalo se maleba -Tiriso ya malepa a a tlhotlheletsang ya go tlhagisa diteng	5–6 -Segalo, rejisetara, setaele le tlotlofoko ga di maleba le maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditswe thata	0–3 -Puo ga e tlhologanyeseg -Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao -Tlotlofoko e nnye thata, mme e dira gore go nne thata go tlhologanya
	Maemo a a kwa tlase	13 -Puo e e matsetseleko ya tlhotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -E tlhamilwe ka manontlhotlho	10 -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tlhamilwe bontle	7 -Tiriso ya puo e e mo magareng, ka go tlhoka tsepamo -Segalo se siame ka kakaretso le tiriso e e lekanyeditsweng ya malepa a tlhotlheletso	4 -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota	
KAGEGO Diponagalo tsa setlhangwa Kago ya ditemana le go tlangwa ga dipolelo 5 MADUO		5 -Kago e e manontlhotlho ya setlhogo -Dintlhana tse di tlhaolegile -Dipolelo le ditemana di bopilwe bontlentle	4 -Kago e e latelanang ya dintlhana -Lomagane -Dipolelo le ditemana di a latelana, di a farologana	3 -Kago ya dintlhana tse di maleba -Dipolelo le ditemana tse di bopilweng sentle -Tlhamo e sa ntse e na le tlhologanyo	2 -Go na le dintlha dingwe tse di amogelesegang -Dipolelo le ditemana di fosagetse -Tlhamo e sa ntse e na le tlhologanyo	0–1 -Dintlha tse di botlhokwa di a tlhalela -Dipolelo le ditemana di fosagetse -Tlhamo e tlhoka tlhologanyo

RUBORIKI YA TLHATLHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlhom, baamogedi, diponagalo/melawana le tiriso MADUO 18	15–18 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	11–14 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lomameng ka diphoso tse dinnye	8–10 -Tsibogelo e e lekaneng e e bontshang kitso ya diponagalo tsa mofuta wa setlhangwa -Go na le tsepamo e e rileng – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	5–7 -Tsibogelo e e kwa tlase e e supang kitso ya diponagalo tsa mofuta wa setlhangwa -Ga e a tsepama ka gotlhe, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–4 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/RUNA Segalo, rejisetara, setaele, maitlhom, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 12	10–12 -Segalo, rejisetara, setaele le tlotlofoko tse di lomameng thatathata le maitlhom, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	8–9 -Segalo, rejisetara, setaele le tlotlofoko tse di lomameng thata le maitlhom, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	6–7 -Segalo, rejisetara, setaele le tlotlofoko di maleba le maitlhom, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	4–5 -Segalo, rejisetara, setaele le tlotlofoko di fosagetse go le gonnye go maitlhom, baamogedi le tiriso -Thutapuo e e sa lomameng ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–3 -Segalo, rejisetara, setaele le tlotlofoko ga di tsamaisane le maitlhom, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlhom -Bokao bo kgoreletsegile tota
SEELO SA MADUO	25–30	19–23	14–17	9–12	0–7

RUBORIKI YA TLHATLHOBO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA [20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlhommo, baamogedi, diponagalo/melawana le tiriso MADUO 12	10–12 -Tsibogelo ya maemo a a kwa godimo go gaisa se se lebeleletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	8–9 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	6–7 -Tsibogelo e e lekaneng e e bontshang kitso ya diponagalo tsa mofuta wa setlhangwa — Go na le tsepamo e e rileng - go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	4–5 -Tsibogelo e e kwa tlase e e supang kitso ya diponagalo tsa mofuta wa setlhangwa - Ga e a tsepama ka gotlhe, mme kwalo e fapogile setlhogo -Diteng le dikakanyo ga di lomagane ka gale. -Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–3 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/ RUNA Segalo, rejisetara, setaele, maitlhommo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 08	7–8 -Segalo, rejisetara, setaele le tlotlofoko tse di maleba thatathata le maitlhommo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	5–6 -Segalo, rejisetara, setaele le tlotlofoko tse di maleba thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	4 -Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	3 -Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–2 -Segalo, rejisetara, setaele le tlotlofoko ga di tsamaisane le maitlhommo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlhommo -Bokao bo kgoreletsegile tota
SEELO SA MADUO	17–20	13–15	10–11	7–8	0–5

GO KWALA LE GO TLHAGISA**KAROLO YA A: TLHAMO: MADUO – 50**

DINOMORO TSA DIPOTSO	DITLHOGO	MEFUTA YA DITLHAMO
1.1	Ke lemogile kwa morago gore ke ntse ke tshepa leferefere.	Kanelo
1.2	Moagisani ke motho yo o botlhokwa.	Tlhaloso
1.3	Tlhokego ya metsi mo nageng ya Aforikaborwa ke tlhobaboroko e le ruri. Dumela kgotsa ganela.	Ngangisano
1.4	Metshameko mo dikolong e tlogelwe ka e sa thuse ka sepe. Dumela kgotsa ganela.	E e sa tseyeng letlhakore
1.5	Fa nka neelwa tšhono ya go fedisa botlhokatiro mo bašweng ...	Maitlomo
1.6	Maikaelelo a me mo ngwageng wa 2025 fa ke sena go falola mophato wa lesomepedi.	Kanelo
1.7–1.8	Tlhopha setshwantsho SE LE SENGWE go tswa mo go tse di latelang mme o kwale tlhamo ka ga sona.	Kanelo/Tlhaloso/E e sa tseyeng letlhakore/Ngangisano/Maitlomo

KAROLO YA B: DITLHANGWA TSE DILEELE TSA TIRISANO GAMMOGO LE DITLHANGWA TSE DI DIRISANG MEKGWA E E FAROLOGANENG YA TLHAELETSANO: MADUO – 30

DINOMORO TSA DIPOTSO	MOFUTA WA SETLHANGWA
2.1	Lekwalo la botsalano
2.2	Mmuaisano
2.3	Athikele ya lekwalogikgang
2.4	Thadiso ya filimi

KAROLO YA C: DITLHANGWA TSE DIKHUTSHWANE TSA TIRISANO: MADUO – 20

DINOMORO TSA DIPOTSO	MOFUTA WA SETLHANGWA
3.1	Phousetara
3.2	Dikaelo
3.3	Karata ya taletso

PALOGOTLHE YA TLHATLHOBO: 100

KAROLO YA A: TLHAMO**MEFUTA YA DITLHAMO****GO TSHWAYA TLHAMO**

- Tlhamo e se abelwe maduo go se na bopaki jwa gore e buisitswe.
- Maduo a bofelo a tlhamo a tshwanetse gore a bo a netefaditswe.
- Tlhamo ke boithlhamedi ga se tshobokanyo mo mafoko a lekanyediwang.
- Motlhatlhojwa a se sokelwe dirope fa a sa kwala boleele jo bo lebeletsweng, motshwai a ele tlhoko kelelo le malepa tsa boithlhamedi.
Molao ke gore:
- Go se nne le dikotlhao tse dingwe, gonne ruboriki ka boyona e na le dikotlhao tsa yona.

1.1 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Ke lemogile kwa morago gore ke ntse ke tshepa leferefere.	<ul style="list-style-type: none"> ✓ Motlhatlhojwa a tshalose setlhogo. ✓ A tlhagise gore ke ka ntlha ya eng a ne a tshepa mmuiwa. ✓ A tlhagise ditiragalo tse di mo lemositseng gore o ntse a tshepa leferefere. ✓ A tlhagise kgato e a e tsereng fa a sena go lemoga maemo a. ✓ A tlhagise dikgakololo/ditsela tsa go efoga maitsholo a batho ba ba tshwanang le mmuiwa.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetse go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

[50]

1.2 TLHAMO YA TLHALOSO

Mokwadi mo tlhamong e, o tthalosa sengwe ka mokgwa o mmuisi a tlaa itemogelang se se tthalosiwang jaaka go batlega.

Setlhogo	Dintlha tse di solofetsweng
Moagisani, motho yo o botlhokwa.	<ul style="list-style-type: none"> ✓ Motlhatlhojwa a tthalose setlhogo. ✓ A tthagise dintlha tsa botlhokwa jwa moagisani. ✓ A tthagise dintlha tse di susumetsang gore moagisani a tsewe e le motho yo o botlhokwa. ✓ A tthagise dipoelo tse di bontshang gore ruriruri moagisani o botlhokwa.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- A tllhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimololedi.
- A bontshe fa a na le maitemogelo ka ga setlhogo se.
- Bokhutlo e nne jo bo amogelesegang.

[50]

1.3 TLHAMO YA NGANGISANO

Mo tlhamong e, motlhatlhojwa o tthagisa kakanyo, ntlhakemo, mme a nganga ka maitlhamo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Setlhogo	Dintlha tse di solofetsweng
Tlhokego ya metsi mo nageng ya Aforikaborwa ke tlhobaboroko e le ruri. Dumela kgotsa ganela.	<ul style="list-style-type: none"> ✓ Motlhatlhojwa a tthalose setlhogo. ✓ A tthagise ntlhakemo ya go dumela kgotsa go ganela ka fao tlhokego ya metsi e leng tlhobaboroko mo Aforikaborwa. ✓ A tthagise melemo ya go se tlhoke metsi. ✓ A tthagise ditlamorago tsa go tlhoka metsi. ✓ A tthagise se se ka diriwang go tshegetsa ntlhakemo ya gagwe.

Kaedi ya go tshwaya: Tlhamo ya ngangisano

- Motlhatlhojwa a simolole ka go tlhagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsa setlhogo.
- Tlhamo e, e tlhagisa letlhakore le le lengwe, mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletse mmuisi go dumelana le se se tlhagisitsweng. Tlhamo ya mofuta o, e kwalwe ka pakajaanong.

[50]**1.4 TLHAMO E E SA TSEYENG LETLHAKORE**

Mofuta o wa tlhamo, o anela ka ga sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Metshameko mo dikolong e tlogelwe ka e sa thuse ka sepe.	<ul style="list-style-type: none"> ✓ Motlhatlhojwa a tlhalose setlhogo. ✓ A tlhagise maemo a metshameko kwa dikolong mo bojaanong le mo malobeng. ✓ A tlhagise megopolo ya gagwe gore ke ka ntlha ya eng metshameko e tshwanetse go fedisiwa le gore goreng e sa tshwanela go fedisiwa kwa dikolong. ✓ A tlhagise ditlamorago tsa go fedisiwa le go sa fedisiwe ga metshameko kwa dikolong. ✓ A supe ntlhakemo ya gagwe kwa bokhutlong.

Kaedi ya go tshwaya: Tlhamo e e sa tseyeng letlhakore

- Setlhogo se tshwanetse go tlhaloganngwa sentle.
- Go bothokwa gore se motlhatlhojwa a se buang kgotsa a se tlhagisang se tshegediwe ka dintlha tse di lekalekanang.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tseneletseng.
- Dikakanyo di rulagane, di lolame, mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

[50]

1.5 TLHAMO YA MAITLHOMO

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Setlhogo	Dintlha tse di solofetsweng
Fa nka neelwa tšhono ya go fedisa botlhokatiro mo bašweng ...	<ul style="list-style-type: none"> ✓ Motlhatlhojwa a tlhalose setlhogo. ✓ A tlhagise dintlha tse di bontshang botlhokatiro mo bašweng. ✓ A tlhagise mabaka a a mo susumetsang go fedisa botlhokatiro mo bašweng. ✓ A tlhagise dikgato tse a tlaa di tsayang go fedisa botlhokatiro mo bašweng. ✓ A tlhagise ditlamorago tse di ka nnang teng fa botlhokatiro bo ka fedisiwa mo bašweng.

Kaedi ya go tshwaya: Tlhamo ya maitlhamo

- Tlhamo ya maitlhamo e tseye letlhakore.
- Maikutlo a tsaya karolo e e botlhokwa.
- Karolo e kgolo mo tlhamong ke go tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.
- Bokhutlo e nne jo bo amogelesegang.

[50]

1.6 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Maikaelelo a me mo ngwageng wa 2025 fa ke sena go falola mophato wa lesomepedi.	<ul style="list-style-type: none"> ✓ Motlhatlhojwa a bue ka tshimologo ya ngwaga. ✓ A tlhagise maikutlo a gagwe fa a sena go bona dipholo tsa mophato wa lesomepedi. ✓ A tlhagise mabaka a a mo tlhotlheleditseng go fitlhelela maikaelelo a. ✓ A tlhagise se a batlang go se dira morago ga go falola. ✓ A tlhagise mosola wa se a batlang go se dira tebang le maikaelelo a gagwe. ✓ A tlhagise se a batlang go ipona a se fitlhetse mo ngwageng wa 2025.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

[50]

1.7– Tlhamo ya kanelo/maitlhamo/e e sa tseyeng letlhakore/ngangisano/tlhaloso.
1.8

[50]**PALOGOTLHE YA KAROLO YA A: 50**

KAROLO YA B: DITLHANGWA TSE DILEELE TSA TIRISANO GAMMOGO LE DITLHANGWA TSE DI DIRISANG MEKGWA E E FAROLOGANENG YA TLHAELETSANO

2.1 LEKWALO LA BOTSALANO

Lekwalo la mofuta o, ke lekwalo le o tseelang mongwe kgang/motlotlo, go mo leboga, akgola, go mo tsibosa kgotsa go mo eleletsa masego.

Lekwalo la botsalano	Dintlha tse di solofetsweng
Le fudugetse kwa lefelong le lešwa mme ga o ise o dire ditsala tse dintšhwa. Kwalela tsala ya gago ya kwa o tswang teng o mo tlotlele ka ga botshelo jwa kwa lefelong le o leng mo go lona.	<ul style="list-style-type: none"> ✓ Motlhatlhojwa tlhagise leina la lefelo. ✓ A tlhagise setshwantsho sa tikologo ya lefelo le lešwa. ✓ A tlhagise maikutlo a gagwe mabapi le lefelo le. ✓ A ka khutlisa ka go rotloetsa tsala go tla go bona lefelo le ba fudugetseng kwa go lona.

Kaedi ya go tshwaya: Lekwalo la botsalano

- Motlhatlhojwa a kwale aterese le letlha ka botlalo.
- Ditumediso di supe botsalano.
- Matseno a nne maleba le setlhogo.
- Puo le segalo di repe, di bontshe botsalano.
- Kwa bofelong a ka tlhagisa mafoko a a latelang:
(Ke nna/Tsala ya gago).
- Motlhatlhojwa a tlhagise leina la gagwe kwa ntle ga sefane.
- Bokhutlo e nne jo bo kgodisang.

[30]

2.2 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta, ba arogana dikakanyo kgotsa ba buisana ka ga setlhogo sengwe se se rileng. Sebopego sa ona ke sa dipotsotherisano fela ona o dirwa gongwe le gongwe ke mongwe le mongwe.

Mmuisano	Dintlha tse di solofetsweng
Kwala mmuisano magareng ga gago le tsala ya gago ka setlhogo se. Barutwana ba tshwanetse go dumelelwa go rwala dihutshe kwa dikolong go itshireletsa kgatthanong le kankere ya letlalo.	<ul style="list-style-type: none"> ✓ Motlhatlhojwa a bontshe kgankgolo ya mmuisano. ✓ A bontshe botlhokwa jwa go rwala dihutshe. ✓ A bontshe ditlamorago tsa go sa rwale dihutshe. ✓ A tlhagise maikutlo a gagwe mabapi le go rwalwa ga dihutshe kwa dikolong. ✓ A khutlise ka go gatelela ntlhakemo ya gagwe mabapi le go rwalwa ga dihutshe kwa dikolong.

Kaedi ya go tshwaya: Mmuisanano

- Motlhatlhojwa a kwale ka mokgwa o moterama a kwalang ka ona.
- Dibui di nne pedi.
- A kwale setlhogo se go buisanwang ka ga sona.
- Dipolelo di nne dikhutshwane.
- Diteng di supe boithamedi, kelelo ya dintlha le go tsamaelana ga ditiragalo.
- Maina a dibui a tshwanetse go tlhagelela sentle.
- A dirise matseno, mmele le bokhutlo sentle.
- Kgang e e mo tswaing e bontshe tshimologo, setlhoa le tharabololo.
- Puo le moonono di tsamaelane le ditiragalo.
- A dirise puo e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

[30]**2.3 ATHIKELE YA LEKWALODIKGANG**

Athikele ya lekwalodikgang ke karolwana ya lekwalodikgang kgotsa makasine e batho ba kwalang dikgang dingwe kgotsa ba bega sengwe gore se buisiwe ke botlhe.

Athikele ya lekwalodikgang	Dintlha tse di solofetsweng
Bana ba tlhokafetse ka ntlha ya go ja dijo tse di sa siamang tse ba di rekileng mo lebenkeleng le le gaufi le kwa gaeno. Kwala athikele ya lekwalodikgang o tsibose baagi le bana ka bosetlhogo jwa dijo tse.	<ul style="list-style-type: none"> ✓ Motlhatlhojwa a tlhagise lefelo le bana ba rekileng kwa go lona. ✓ A tlhagise maemo a lebenkele. ✓ A tlhagise mofuta wa dijo tse bana ba di rekileng. ✓ A tlhagise diphitlhelelo tsa dijo tse bana ba di jeleng. ✓ A tlhagise ditlamorago tsa dijo tse ba di jeleng. ✓ A tlhagise dikgato tse di ka tsewang go fedisa thekiso ya dijo tsa mothale o. ✓ A ntshe maikutlo a gagwe ka ga thekiso ya dijo tse. ✓ A khutlise ka go fana ka maele mabapi le go reka dijo mo mabenkeleng.

Kaedi ya go tshwaya: Athikele ya lekwalodikgang

- Motlhatlhojwa o na le kgololosego ya bobegadikgang.
- A dirise puo e e tlhamaletseng.
- O patelesaga go ngoka babuisi ka kgang ya gagwe, mme fela a sa nyeletse bonnete jwa kgang.
- Temana ya ntlha e tshwere bontsi jwa dikgang gonne e araba dipotso Kae? Mang? Leng? Jang?
- Kgang e neelwa setlhogo se se itlhalosang e bile se gogela.

[30]

2.4 THADISO YA FILIMI

E tthalosa dintlha tsa setlhangwa kgotsa tlhagiso jaaka modiragatsimogolo, ditiragalokgolo le diponagalo tse di tsamaisanang le setaele.

Thadiso ya filimi	Dintlha tse di solofetsweng
Kwala thadiso ya filimi e o neng o e bogetse go tswa mo go <i>Showmax</i> , e mo go yona o ithutileng ka ga maano a go itshireletsa fa o kgerisiwa kwa sekolong.	<ul style="list-style-type: none"> ✓ Motlhatlhojwa a latele sebopego sa go tlhagisa setlhangwa se ka tlhomamo. ✓ A tlhagise setlhogo sa filimi le nako e e tshamekiwang ka yona. ✓ A tlhagise gore filimi e e ka bogelwa ke bomang. ✓ A tlhagise maina a badiragatsi. ✓ A tlhagise maano a go itshireletsa a a ithutileng ona. ✓ A khutlise ka go arogana le batho se a se ithutileng mo filiming.

Kaedi ya go tshwaya: Thadiso ya filimi

- Motlhatlhojwa a kwale ka pakapheti/pakajaanong.
- Motlhatlhojwa a tlhagise tshedimosetso ka dintlha tse di latelang:
 - ditiragalokgolo
 - batsayakarolo, modiragatsimogolo le morero kana thitokgang.
- A dirise puo e e bonolo e bile e tlhaloganyega.

[30]

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**3.1 PHOUSERARA**

Ke pampitshana e nnye e gantsi e tsenngwang mo mabokosong a poso kgotsa e e abiwang mo marakanelong a ditsela/mebila. Gantsi e phasalatsa ditirelo, tiragalo kgotsa kgwebo bogolosegolo e ntšhwa. E abiwa fela kwa ntle ga tuelo.

Phousetara	Dintlha tse di solofetsweng
Thala phousetara e mo go yona o laletsang barati ba motshameko wa rakabii go tla go lebelela makgaolakgang a motshameko kwa setediamong sa Moses Mabida.	<ul style="list-style-type: none"> ✓ Motlhatlhojwa a thale phousetara a laletse batho go tla go bogela motshameko wa rakabii kwa setediamong sa Moses Mabida. ✓ A neele maina a ditlhopha tse di tlleng go tshameka. ✓ A tlhagise gore mofenyi mo makgaolakgannyeng o tllile go bona eng. ✓ A tlhagise maikutlo a gagwe ka motshameko o.

Kaedi ya go tshwaya: Phousetara

- Tshedimosetso e rulaganngwe ka fa tlase ga ditlhogo kgotsa sekaditlhogo.
- Go netefatsa bokao jo bo utlwalang sentle, ditemana di nne dikhutshwane.
- Go kwalwe dipolelo tse di bonolo e bile di nne dikhutshwane.
- Ditshwantsho di dirisiwe di nyalane le mafoko.
Moono:
- Puo e e mo phousetareng e nne le dintlha ka segalo se se siameng.
- Fa maikaelelo a phousetara e le go tlhotlheletsa mmuisi, a puo e e tlhagisang maikutlo e dirisiwe.
- Tshedimosetso ya megala le leina la yo go ka ikgolaganngwang le ena, le tlhagisiwe.

[20]**3.2 DIKAELO**

Go kaela tsela ke tshedimosetso e e abiwang fa mongwe e ka nna moeng kgotsa moagi yo mošwa mo lefelong le le rileng a batla tsela ya go ya felo gongwe.

Dikaelo	Dintlha tse di solofetsweng
E rile o tswa ka kgoro ya kwa gaeno, wa kopana le monna a batla kereke ya Fora. O ne a go kopa tsela ya go ya kwa kerekeng eo. Mo kaele tsela ya go tloga kwa kgorong ya kwa gaeno, go fitlha kwa kerekeng ya Fora.	<ul style="list-style-type: none"> ✓ Motlhatlhojwa a tlhagise leina la kereke. ✓ Maina a mebila le dikhutlonne di tlhagisiwe ka botlalo. ✓ A ka mo kaela ka mefuta ya dikago e a tlleng go e bona. ✓ A ka bua ka dilo tsa tlhago jaaka dimela jalo le jalo. ✓ A ka mo lekanyetsa sekala se a tlleng go se tsamaya.

Kaedi ya go tshwaya: dikaelo

- Motlhatlhojwa a dirise pakajaanong.
 - A neele dintlha tsa tshedimosetso tse di tlhokegang.
 - Dikaelo di se ka tsa nna ditelele thata gore mong a bo a palelwe ke go di gakologelwa bonolo.
- Puo e nne khutshwane e bile e tlamalale.

[20]**3.3 KARATA YA TALETSEO**

Ke mokgwa o o ka dirisiwang go tsibosa kana go lemosa batho ka tiragalo nngwe. E nne le tshedimosetso, e tlhotlheletse le go ruta.

Karata ya taletso	Dintlha tse di solofetsweng
Ntsalao o kwadile buka ya go ithuta go apaya, mme e ya go phasaladiwa ka kgwedi ya Sedimonthole. Thala karata ya taletso e mo go yona o laletsang baapei go tswa kwa dihoteleng tse di farologaneng go tla moletlong wa phasalatso ya buka.	<ul style="list-style-type: none"> ✓ Motlhatlhojwa a thale karata ya taletso a laletse baapei go tswa kwa dihoteleng tse di farologaneng. ✓ A thale karata ya taletso e e maleba. ✓ A tlhagise dintlha tse di botlhokwa tse di amanang le taletso tsa go tshwana le leina la molalediwa, tlhaloso ya moletlo, letlha la moletlo, jalo jalo. ✓ A dirise puo e e maleba e bile e tshwanela motho yo o lalediwang. ✓ A bontshe dinomoro tsa mogala le lefelo le moletlo o tlaa tshwarelwang kwa go lona.

Kaedi ya go tshwaya: Karata ya taletso

- Molaetsa o tlamalale, mme o tsamaisane le taletso.
 - Go kwalwe dipolelo tse di bonolo le gone di nne dikhutshwane le go tlhaloganyega.
 - Maitlhommo a motlhatlhojwa a tlhagelele sentle.
 - A karata e kgatlhise e bile e ngoke molalediwa.
- Ditshwantsho le dithalo ga di a tshwanela go abelwa maduo.

[20]

PALOGOTLHE YA KAROLO YA C: 20
PALOGOTLHE YA TLHATLHOBO: 100